

清代筆叢記  
今世說

王暉著

上

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

今

王

世

暉  
著

說

今  
上海文明書局印行

今世說序

康熙癸亥秋予有兩浙通志之役其人物多得之於墓碣家乘所傳浮夸失實刪訂為煩而王子丹麓乃以今世說見示誦之清風襲人耳目為之一易昔人謂讀晉書如拙工繪圖塗飾體貌而殷劉王謝之風韻情致皆於世說中呼之欲出蓋筆墨靈雋得其神似所謂頰上三毛者也丹麓少負異才所著霞舉堂集流布藝林而是書自謂非海內第一流不登且又遲之又久而後成撰緝既專品隲彌當如德行言語諸科固當奉為指南即忿狷惑溺迹涉風刺要無傷於大雅縱使其人自為讀之亦復粲然頤解至於贈言同人亦閒採一二為丹麓寫照焉大率與臨川所撰相為伯仲比諸元朗駕而上之予謂臨川宗藩貴重纘潤之功或有藉於幕下袁鮑諸賢而元朗自西漢以逮金元上下數千百載供其捃拾乃丹麓以一布衣僻處窮巷斟酌損益一 outcome 裁且止以四十年來賾記所及而工妙如此則其難易固相倍蓰矣昔典午一代清言流弊而本朝綜核名實不尚虛無集中單詞隻簡清英淵雅適可為鼓吹休明之助有昔人之功而無其過讀是書者亦可以論世云遂安毛際可會侯撰

...

...

...

...

...

...

...

...

...

...

...

...

今世說序

宋劉義慶撰世說新語宏長風流雋旨名言溢于楮墨故通人雅彥羣屐少年皆喜觀而樂道之其後有瑯琊補華亭語林溫陵初潭林陵類林其書咸有可觀然以視世說有間其故何也蓋劉去晉未遠竹林餘韻王謝遺風不啻耳提而面命之其涉筆簡而該其命意雋以永去其稂莠掇其菁英誠史家之支子而藝苑之功臣也今王子丹麓萃數十年以來見聞所及輯為一書取精多而用力勤幾與世說並時矣譬之飲食大官之饜有時厭飫楂梨橘柚則齒頰生津矧所採輯皆一時名流披卷展玩有如晤對昔人命千里之駕作永久之譚今得子寸楮遇之詎非快事哉近梁水部慎可有玉劔尊聞而吾友陸景宣著口譜徐武令著廣羣輔錄丹麓此書真堪媲美見我武林之學必原本古人非妄為作者也故不辭而為之序同邑丁澎藥園撰



今世說序

夫學者屈首受書一聞古人之名輒俛焉歎阻所恨生不與之同時不獲聆其緒言  
觀其行事然而古人之言行載在簡編者可考而知也試思四海九州之大光嶽之  
氣蘊降鬱積豈無有一二媲美古人者哉豈無有乘時挺生卓犖魁傑能創古人所  
未見者哉而循誦習傳之輩以為今人也而概忽諸此其人縱令生與古人同時日  
聆其緒言觀其行事亦漠然不相接以終其身焉已矣予友武林王子丹麓學贍而  
行修潛心經世大業一時賢豪長者多慕與之遊所著詩歌古文宏深奧衍不啻富  
金匱而續青箱矣已復手訂今世說一書蓋祖劉氏所作世說新語而稍節其條目  
予受而讀之自清興以來名臣碩輔下逮巖穴之士章句之儒凡一言行之可  
紀述者靡不旁蒐廣輯因文析類以成一家言其大要采諸序記雜文之行世者而  
不敢妄綴一詞其詳慎不憚煩如是丹麓又言臨川當日以今人述古人故取裁多  
而徵信亦易吾之為此以今人述今人見聞多所闕遺書未成而訾警者紛起吾甚  
悔其拙也予曰不然臨川之書敘列晉人者居多而上逮於東漢三國諸君子夫晉  
人尚清談一時名流慕效相與蔑棄禮教脫畧形骸以為曠達其流禍至於中原板

蕩神州陸沈論世者於此為之三致慨焉今去古日遠士大夫鑒於先代末流之弊駸駸乎抑遠浮華敦尚實行此亦轉移風會之一善機也是編所載多忠孝廉節之概經緯權變之宜其大者實有裨於國家有功於名教至於風雅澹詞山林逸事足以啟後學之才思資藝林之淵藪者無不表而出之雖其人之生平不盡此數語即是編亦不足以盡當世之賢豪而條疏節取之下使人人解頤欣賞如入寶山如遊都市其為益也不既多乎且夫後之視今猶今之視昔也又烏知過此以往不有好學深思者起而酷嗜此書加之博稽詳覈以備一代人文之盛而後乃知丹麓倡始之功為不可泯也豈得謂古今人不相及而遂有所軒輊於其間哉予故因丹麓之請而為序之者如此歸安嚴允肇修人撰

今世說序

古無今今無人則其說已若言足傳人人足重世何讓古人使今獨閒寂哉或曰國有史其大也傳曰否大者傳其人細者傳其神且而亦知日影穿隙乎不必出見日識全日矣則夫一言一行傳其人之神何以異是王先生丹麓讀書不下古人結交必上今人予讀其所著書皆自成一世謂非今人能說亡何而今世說又成見其包舉羣彥言關至極簡秀韶潤胸無宿物儻不傷道而巧不累理嗚呼直世說耳何今之見哉夫一世所傳不過數人人率不過數語今俊顧廚及轉多于昔善談名理爭勝于舊此固秀良輩出神鋒太儁然耶乃吾獨多王先生之彈見浴聞能使休明一世如此也先生曰愚不逮古而闕其譏險仇隙數則即其說不全補乎其俟予曰是隙之曰也必排闥撒瓦以延光明將疑無全日哉知此即簡傲汰侈惑溺善讀書者猶將闕之而補于何俟先生善予言乃著於篇同郡馮景香遠撰



今世說自序

自經史而外著述之家不知幾千萬計而其書或傳或不傳即幸而傳矣人或見有不見獨世說新語一書纂于南宋多摭晉事而兼及于漢魏垂千百年學士大夫家無不翫而習之者雖臨川王之綜敘清遠自高亦以生當其時崇尚清流詞旨故可觀也至於今讀其書味其片語猶能令人穆然深思惟恨不得身親其際與為酬酢假得王謝桓劉羣集一室耳提面命其心神之怡曠抑何如耶今 朝廷右文名賢輩出闕閱才華遠勝江左其嘉言懿行史不勝載特未有如臨川袞聚而表著之天下後世亦誰知此日風流更有度越前人者乎予不敏志此有年上自廊廟縉紳下及山澤隱逸凡一言一行有可採錄率獵收而類紀之彙凡數易歷久乃成或疑名賢生平大節固多豈獨藉此一端而傳不知就此一端乃如頰上之毫睛中之點傳神正在阿堵予度後之人得覩是編或亦如今之讀臨川書者心曠神怡未可知也雖然臨川取漢末魏晉數百年之事網羅編次遂勒成一家言而予欲以數十年中所見所聞與之頡頏世有覽者毋亦笑予之心勞而日拙也夫

康熙癸亥仲春武林王暉題于牆東草堂

...

...

...

...

...

...

...

...

...

...

...

...

...

今世說例言

一是集名賢斷自 本朝為準聞有文章事業顯于勝國而卒于 本朝者要不可不謂今之人也亦為採入

一世說例多異稱鈍資難于記憶是集名賢或字或號止載其最著者雖至數見俱各從同以便披覽

一是集條目俱遵世說原編惟自新黜免儉嗇讒險紕漏仇隙諸事不敢漫列引長蓋短理所固然乃若補為全目以成完書願俟後之君子

一是集所列條目祇據刻本就事論事如此事可入德行則入德行可入文學則入文學餘皆倣此乃有拘儒欲指一事概以生平至罪予論列不當者請勿讀是書

一是集事實俱從刻本中擇其言尤雅者然後收錄若未見刻本雖有見聞不敢妄列昭其信也

一孝標之注世說博引旁綜所采書目幾至一二百種近日無書可考時賢履歷倣據尤難是集注內所載爵里以及生平大畧俱不敢憚煩廣為蒐輯若徧覓不得甯使闕如以俟後補

一昭代右文名賢輩出嘉言懿行固不勝收而是書止據所見諸集輯成覽者無罪其不廣也凡我遠近諸名家倘以全集見貽自當細搜續輯彙訂今世說補一書務期蚤寄郵筒庶免遺漏之慮

一物力艱難剗削之資全賴好事倘有高賢傾囊解橐以助棗梨則闡幽表微為德不淺

一汪鈍翁太史說鈴一書詞旨雋永妙並臨川偶從吳江得見刻本停舟借錄約數十條意在宏暢宗風遂忘掠美之嫌

一陸子麗京向著西陵新語因暮年寄跡方外未有全書令嗣冠周手授彙本是集採拾頗多要非無據

一汪太史舟次林使君西仲毛大令會侯朱處士若始一見是書遂相欣賞品題之下閒有權衡要歸至當受益良多

一丁儀部藥園孫子宇台張子祖望毛子稚黃陸子蓋思諸子虎男各出案頭新書慨然借錄淘金入冶集翠成裘良友佐理之功自不可泯

一方渭仁太史貽書相告期以史局事竣或得乞假歸來佐成快舉今急欲出書請

政當世不能久待殊為歉然然來書有云事取其核義取其公辭取其馴雅三復佳言故當不負良友

一是書原與同人互相參訂集中所載先君實行二條皆同人從志傳採入故名字稱謂一從本文非倬敢附於臨文不諱之義也至倬平生本無足錄向承四方諸先生贈言頗多獎借同人即為節取一二強列集中實增愧慙

松溪主人王倬識

卷之五十五

...

...

...

...

...

今世說評林

洪暉吉曰。自劉義慶創為世說新語。而劉肅倣之為唐世說。何良俊廣之為語林。李紹文復成皇明世說。至本朝文物之盛。其持論風旨。尚無有編輯成書者。丹麓王子。殫見洽聞。凡數十年中之軼事。莫不排纂而表著之。相其體製。直欲遠攀新語。近抗語林。何止壓倒唐明世說也。

林西仲曰。品必取其最高。事必取其最奇。語必取其最雋。不須復道即摭拾之廣。似非積數十年之用意。未易得此。子嘗語人云。入杭若不賞識丹麓。必非佳士。或不為丹麓所賞識。亦非佳士也。讀此尤信。

顧且菴曰。丹麓著述等身。上下古今。探微索奧。藝林得其片玉。莫不奉為拱壁。茲復成今世說一編。言近旨遠。真得晉賢風味。予每嘆世人去古已邈。凡可悲可愕之事。接於前。漠焉如不相關。曾不思所以斡旋補救之。丹麓獨能於冷語軼事。隨所睹記。皆逼露其精神。誠天下有心人也。且以見動止語默之細。皆足為讀書窮理之助。學者其容忽諸。

薛依南曰。世間無可食。亦無可說。此季充語也。世間豈無可說者。蓋不屑為說也。其

傲已甚。夫說自在世。我不能強為喋。猶之不能越為代也。以說還說焉。可。古世說如是也。今世說亦如是。存而不論。案而不斷。若曰。記事論世。自史氏職。我不能越為代也。敢曰。無可說焉。而不屑也者。是以說還說也。丹麓王子。可謂恭矣。

張祖望曰。王子年著拾遺記。摭拾魏晉遺事。以姚馥金磬。茂先海苔。列之卷首。今丹麓以梁尚書家清徐中丞。至孝為開卷第一。高于東陽崖谷人遠矣。

葉林屋曰。此一部佚史也。雖單辭癖事。足以傳人。晉王右軍功業文章。不入世說。而獨稱其工書。政不以此掩彼。丹麓是書傳人之志也。惟其單癖。于是乎不朽。

毛稚黃曰。王子丹麓著今世說。所載大半同時交好。不然亦其所知者也。其人寂寂者。固不遐遺。至若或負重名。或已鼎貴。而丹麓輒取片語微事。寫之。乃轉覺其栩栩。然行間字裏。幽隱畢現。畫家六法。以氣韻生動為最難。此卷之墨妙極矣。雖然。丹麓固欲以獎美傳其人。然按其標部。由漸而至末。佳處固多佳。或亦有佳。而猶未免是病者。連城之壁。光氣如虹。有微類焉。則良工亦不掩之。是在解人善讀書耳。

吳慶百曰。劉氏世說。語本塵尾松枝所成。蓋何平叔清談之餘。後之竄入者。大不類。本書以彼片言單辭。另存鑪錘。足甘口吻。非凡響能及耳。丹麓雅人。頡頏二晉。睹此

便欲突出其上。近與梁氏玉堂錄汪氏說鈴同行鼎峙文苑矣。

黃主一曰丹麓先生鍵戶著書花木竹石位置幽閒四方名流過武林者必願交先生。先生即其著述採其可紀者依劉義慶例集為今世說。一時才人學士風流逸韻具見是焉。交遊道替旅進旅退萍梗泛然先生以朋友為性命。凡纖芥之長不啻口出并為傳之。其樂道人善留心人物如此。

丁素涵曰臨川王世說多採漢魏兩晉逸事風流綿邈至今傳之不衰。丹麓王子繼而為今世說窮搜廣輯較之古昔為尤難。然其博稽雅贍不減臨川。此書一出卓犖初潭元朗語林直可覆醬矣。

鄭官五曰世說新語多載王氏事。而太倉二王先生又刪定而批釋之。何王氏之多賢也。茲編縱橫採掇而遠識拔俗與前代諸編指趣則一。豈惟一世雖千百世其若貫矣。一以為談助。一以為要畧。非青箱緘中安得有此。

周敷文曰今世說言簡而味長。耐人尋繹。如入桃花源。步步俱著勝地。其書故在語林初潭以上。

叔鷺瀾曰世說新語三十六條目。今闕其六。或疑不及臨川王。不知南陔白華未嘗

有詩。夏五號公何妨或缺。況舍短取長。愈見立心深厚。手是編者。毋謂松溪臨川。古今人不相及也。

今世說目錄

卷一

德行

卷二

言語 政事

卷三

文學 方正

卷四

雅量 識鑒 賞譽

卷五

品藻 規箴 捷悟 夙惠

卷六

豪爽 容止 企羨 傷逝

卷七

棲逸 賢媛 術解 巧藝 寵禮 任誕

卷八

簡傲 排調 輕詆 假譎 汰侈 忿狷 尤悔 感溺

今世說卷一

清 仁和王暉丹麓撰

德行

梁蒼巖教子弟家法醇謹。雖步履折旋進退必合規矩。自理學經濟諸書外。稗官野史都不令流覽。然必使涉獵詩詞。曰所以發其興觀羣怨。俾識古人美人香草。皆有所寄托也。

梁名清標字玉立北直真定人癸未進士歷官尚書篤學不倦每退食即廉閣靜坐嘯咏自娛

孫鍾元甫踰弱冠丁內外艱率昆弟苦塊倚廬閱六載如一日居恆不為蕪絕峭特之行自公卿以逮布素皆歡然誠信相接如坐人春風中

孫名奇逢直隸永城人年十七舉于鄉既乃屏棄百事潛心濂洛諸儒之緒家庭雍睦如見三代氣象避地蘇門累徵不起從游日眾所居漸成邑聚

徐敬菴少負至性父死豫章蒲伏數千里求遺骸聞關險阻猛虎在前初不色動感父見夢得死處卒負骨以歸

徐名旭齡字元文浙江錢塘人讀書刻苦毅然以古人自待登乙未進士歷官大中丞

胡勵齋父患脾疾日夜侍湯藥衣不解帶目不交睫下至中褰廁踰皆自滌之及卒

三日勺水不入口。一慟吐血數升。遂以哀毀成疾。尋亦不祿。室無妾媵。橐無旨蓄。士論惜之。

胡名實字保林浙江仁和人己丑進士歷官右通政性謙下不以行能驕人厚重不佻終身無疾言遽色。

魏天民教子敬重師傅飲食必親視束脩金必至精者嘗曰人冀子孫賢而不敬其師猶欲養身而反損其衣食也。

魏名兆鳳字聖期江西寧都人為忠孝嶽嶽多大節。

嚴顥亭以宏獎人倫為己任凡詞場藝苑苟擅一長必傾心倒屣不惜齒牙為游揚時論其名在三君八俊間。

嚴名沆字子餐浙江餘杭人乙未進士歷官少司農性坦易接人處事洞然無情隱其牧己謙冲退約雖踐九列抑然如寒士平時不至有聲色加入雖家人婦子有過微言相警取善改而已。

黃庭表性落落惟與人交當生死患難不肯轉目相背負。

黃名與聖江南太倉人童年穎悟詩一目文二三日即記憶三歲能識字五歲能誦詩八歲酷好唐人詩錄小本攜出入輒為蒙師所禁抑十四歲慨然有志于古學欲編讀周秦以下書甫三年讀周末諸子六朝以上者幾盡己亥成進士後又中博學宏詞科官翰林。

方穉官孝友性成事父少傅公服勤盡養少傅嘗曰是子先意承順不愧古養志者。

已少傳遇變閩中乃盡粥田廬迎柩以歸少弟稚櫻偶隨之吳門遭寒疾舌苔厚幾寸許穉官以帛裹指拭口中四十日始愈指為潰爛

方名成郎浙江遂安人少時夢入一山寺有語之者曰子宿世為僧名本祚因自號本祚居士祖直兜令壽寧以循良著父書田歷官東閣大學士身為世胄弱冠饑即席初不以貴介自矜及子象瑛成進士亦澹約如平時手錄格言以崇澹泊遠權勢為鑒誡

黃仙裳幼赴童子試為州守陳澹仙所知後陳官給事中以事繫獄貧甚黃售其負郭田得百金盡以贈陳與之同卧起囹圄中陳後得釋兩人同出白門而去陳歿後黃赴桐鄉往弔之至之日正陳忌辰舉聲哀號感動行路

黃名雲江南泰州人長身玉立能詩文善談論負氣慷慨逢俗人稍不合意輒謾罵之人多目以為狂不敢近  
陳名素字函白浙江桐鄉人甲戌進士

泰州守田雪龕居官廉黃仙裳與周旋絕不干以私後田落職在州不得去黃自汝寧歸囊中僅有二十金乃先至田寓分其半以贈後語人曰是日吾先至家則家中需金甚急不得分以贈田矣

黃容汝寧太守金公為黃舊好贈貽極厚時有別駕鄭君所知客多不能成行黃一日偏召客置酒高會酒酣以太守贈金盡散諸客而去故歸時止存二十金其貧如故人多笑之黃不以屑意也

田名作澤字小宛河南商邱人

周櫟園在閩有趙十五陳叔度皆工詩沒不能葬周出俸金葬之西郊題曰詞人趙十五陳叔度墓寥落無所之之士時漬酒其下

周名亮工字元亮一字減齋一稱櫟下先生河南祥符人中庚辰進士累官少司農方頤豐下目光如電材器揮霍善經濟喜議論疾誕拘文吏當大疑難割斷生殺神氣安閒無不迎刃而解性嚴岸居官不肯假借官裏人顧好嘉與後進嘗買一簿坐上與客言海內人才某某輒疏記之官轍所至山陬海澨有以讀書能為文名者必枉車騎過之有可致者即為拂席開閣或又令進其所知使耳目間不遺一士然後快得一善力抽揚之惟恐不及雖少年一才一藝不惜齒牙出其名字老生貧交相依如兄弟有著作不顯者務表章之不遺餘力尤嗜繪事及古篆籀法每天明盥漱出外舍從容談說古今圖史書畫方名彝器皆條分節解畫其指趣客退則手一卷燈焚熒然至夜分歸寢以為常著述多至數十種

趙名璧陳名鴻俱福建侯官人

毛大可游靖江當墟馮氏春悅其詞欲私就之毛謝曰彼美不知我直以我為狂夫

也徑去

毛名奇齡一名銜字齊于浙江蕭山人官翰林少與兄萬並知名人呼小毛子性恢奇負才任達與人坦然無所忤賢者多愛其才暱就之善詩歌樂府填詞所為大率托之美人香草以寫其騷澁之意纏綿綺麗按節而歌使人悽悅又能吹簫度曲

計南草容鄴城偏詢謝茂秦葬處得之南門外二十里見小冢頽墜荒草中為賦詩

弔之求其子孫不可得。因請鄰中當事為封土三尺餘。禁里人樵牧其上。立碣誌之。曰：明詩人謝茂秦墓。

計名東江南吳江人。丁酉孝廉。忍辱好奇計。勃有飛揚之氣。負經世才。常自比王猛馬周。

王介人與郡司李嚴方公善。王無子。嚴贈之妾。妾故有夫。兵驅散。後訪至王所。王哀憐。立還妾。重妻其夫。

王名榘。浙江嘉興人。少失學。論孟不卒讀。識字而已。弱冠。偶覽琵琶傳奇。欣然會意。曰：此無難。吾亦能之。即據案。唔唔學填詞。竟合調。自後學不少懈。乃工詞曲。又進工詩。家故貧。自攻詩。貧益甚。居室如斗大。一長鬚候門。婢汲漿。婦執爨。給餐。王樹膝苦吟。落落不問家人產。好奇計。多。大言。遇知己。岸憤抵掌。談論不休。

嚴名正。矩一稱絮庵。湖廣孝感人。癸未進士。歷官侍郎。霞奔玉瑛。關六鈴。推為絕席之雄。

荆元初為丹陽巨族。族之人推元初為祠正。每春秋時享。庀俎豆。省牲牽。率羣從。子姓。執遵。裸獻。不以年至為讓。不以寒暑為解。祀畢。手料簡酒肉。序列長幼。飲三行。顧視同坐諸老人曰：吾族大子弟數犯法。不可以無教令。乃書二簿。明徵其善否。召不率教者。前責之。曰：某年月日。以某事。應擿罰。雖甚頑梗。若撻於市。無所容。退而相戒。莫敢犯一郡之人。咸稱其宗法。

荆名文端。字肅之。江南丹陽人。嘗官鴻臚。輒去職。家居。以孝悌聞。先人資產。推其

誠性方嚴寡言笑不妄交與好面折人之過其中寬然長者也輕財好施見孤嫠窮餓者傾囊索毀質劑無幾徽德色君子謂其處己也惠而勤其教人也肅而寬

其事先也敬而有禮後以子廷實責封兵部主事

毛太素督修秋租田戶以裨溼充數太素置不復問或詰之乃惻然曰田戶力田作

苦尚不能飽妻孥吾姑譬之鼠雀耗耳比至歲稔頗不能自給勿顧也

毛名之履字爾旋浙江遂安人嗜學積書數千卷丹黃皆遍為文奇肆自恣不名一體應舉幾得復失遂絕意仕進日課子為文其子際可年十九赴省試太素嘆

曰孺子文他日必能榮世然以汝文為佳則雅非吾意若使汝改轍從我恐悞汝生平汝就所能勉之吾不復閱汝文矣際可中戊戌進士果以文稱於天下

王慕吉喪父負土成墳居廬不出服闋食貧自守有非意加之者處之歸然不以一

言較臧否

王名範字君鑒一字心矩四川成都人肆力經史工詩古文詞辛未成進士筮丹陽縣令治漕有功擢御史會遭母艱時已大亂遂移家入吳丹陽之人聞其至爭

願到田宅授之謝弗受東阡西陌與父老過存見者初不知為舊令也子擔四名于蕃官司李

田髴淵少負時名善屬文陳黃門謂夏考功此子才氣卓犖他日必成偉器後黃門歿

子幼貧墓旁荒田數十畝髴淵代內官租二十年復與友人梓其遺集謂客曰無以

償黃門大德生平每以為愧

田名茂遇江南華亭人戊子孝廉才辨器識絕出流輩讀書穿穴經傳落筆為

田髯淵妻孳終歲布衣糲食客到治具甚盛留累月不厭後進生以詩文就正有  
好必極口稱許世謂髯淵家貧而能好客才富而能好善

蕭孟昉性慷慨不佞施予嘗蠲田穀數千石具饗餼以活獄囚又為逋賦者完室家

贖子女其好義如此

蕭名伯升江西太和人豪談  
自喜意氣卓犖交遊滿天下

沈臨秋為節母求海內詩文得數百篇置篋中遇盜失之沈號哭道中七日不去時

余山寺老僧晨起見供桌有一卷書封識甚密署曰煩上人親致沈孝子沈遂得之

沈名淵江南華  
亭人癸未進士

王瑞虹初聚族居長版巷一夕盜入其室無所獲遂縱火時火猝起人又畏盜皆屏

跡不敢前祖母沈年耄不能避隔烟燭中徑路且絕王挺身投燭負之出毛髮為焦

兩得無恙人咸異之

王名漢字澄之浙江錢塘人少負至性端重不佻及壯狀貌奇偉長七尺有餘雙  
眸炯然美髯如畫平生自奉甚約賓客過從則牽衣投轄窮日夕不厭一以坦衷  
待人出言洞見肝膈嘗而折人過人不知恨而多敬畏之有告之以過亦必欣然  
改容謝與人期終始不爽視人事如己事為之規畫經理必竭其智力而後上

包驚幾篤於友誼與吳東湖善吳卒撫其家甚至後方嫁女聞吳女將適人貧不能

理裝即以其女之奩具贈之。己女後一載始嫁。時論稱之。

包名携江南吳江人。有才名。與弟振同舉。壬午南開時稱二包。子成亦舉。壬子孝廉。

毛繼齋嘗過一債家。其人設食坐毛。身出外。酤頃之。婦薄帷與毛通語。毛驚而去。遂

棄債不復往。

毛名應錫。字叔成。浙江杭州人。

姜子翥被難繫獄。顧與治力營救。不能出。除夕遣甥梁爾礪同囚守歲。久始得雪。

顧名夢遊。江南江寧人。性嚴介。恥干進。因省試數十年。以次舉明經。應得任。棄去。故交顯者數強起。卒以病辭。任俠。恤死友。嘗與莆田宋比玉善。比玉歿。十餘年。與治走閩哭。伐石表墓。南州蘇武子。工古文。歿。與治鑄之。板行世。武子以有聞。北平于司直。好奇。結客。遊秦淮。死無恤者。與治舍殮。理喪。即又板其文。傳。司直費考功。筆山罷官。貧不歸。石阡分宅居之。歿。葬顧氏塋旁。歲時祭。始筆山。今福清。稿佚。連求得之行世。又周旋釋贖。公難幾株。及贖公寢。蒐其遺。左雜詠存之。其高致類此。

梁亦慷慨有至性。多類與治。

姜名繼。南鎮江人。

陸麗京學既淵。茂立志以忠誠自勗。有人屬書郵寄者。務令必達。且終身未嘗私扣

一函。時人比之阮長之不侮閭室。

陸名折。一字景宣。浙江杭州人。文行彪炳。陸名折。一字景宣。浙江杭州人。文行彪炳。

趙希乾年十七母病甚割心以食母既剖胸心不可得則叩腸而截之母子俱無恙其後胸肉合腸不得入糞穢從胸間出穀道遂閉飲食男女如平人

趙二西南豐人。至性純篤。粥粥如不出諸口。舉乙酉明經。以母老不仕。隱于星技。

李叔範初讀書。及兄叔則補諸生有名。叔範遂讓長兄。使專治經史。而身任經營內外。已承父命。使分產。叔範意逡巡不忍答。輒曰。有長兄在。凡田宅俱請受其下者。叔則亦曰。吾家一區一廛。並吾弟所益。吾當受其下者。兄弟交讓。不置。里中聞者競嗟。嘆至以名呼曰李氏。兄可為模。弟可為楷。一時傳為嘉言。

叔則名士楷。叔範名士模。浙江鄞縣人。

沈去矜為人孝友。父歿。毀瘠嘔血。東鄉盜起。焚其堂堂。本分居。屬兩兄。既燼。去矜即割己宅居之。久之。兩兄欲徙去。去矜念兄貧苦。僦屋固留。以讓兄。

沈名謙。浙江仁和人。少穎慧。六歲能辨四聲。益長。篤學。尤好為詩。古文。嘗自言著作須手定。自刻庶保垂遠。若以俟子孫。恐故紙斤不足當二分直也。僻處杭之東偏。聲名籍籍。吳越齊楚之士。過鼓郵車。輒恆滿。

孫無言居廣陵。以能詩聞。布衣之士。有工一詩。擅一技者。莫不折節下之。其少舊通籍。自方伯郡守以下。或招之。亦不往。南州王于一客死。武林無言為之奔告。故人經

營其喪紀其妻子俾歸葬于南昌。

孫名默江南休寧人性滿灑絕俗志欲歸隱黃山累年未遂四方賢士大夫作詩文送者以千百計。

唐容齋有母喪會賊入邑中殺長吏吳人死者相枕藉唐繆麻苴杖卧於喪側賊逐之環棺三匝且泣且罵賊以刀斫唐弗中中几几裂刀亦寸寸斷賊相顧驚怪稍稍引去自是遂相識無敢入唐孝子門。

引去自是遂相識無敢入唐孝子門。

唐幼而好學願有清羸之疾父憐之誠勿過自苦唐不敢傷父意乃夜引燈帳中卧覽而默疏之質明視衲席間血絲如絡文以大家為宗每一篇出見者以為王唐復起治家尚儉食無兼豆而雅好賓客馬屐到門歡然握手袒楊呼盧參橫月落與人交不侵然講人有婚喪之請未嘗以無為解有古俠烈丈夫之風。

陳際叔葬父拮据營辦頗竭資財發穴得舊棺急掩之曰冥漠君不安即親靈未安也仍厚禮葬師而遣之。

陳名廷會一字瞻雲浙江杭州人生有至性居父喪斷去酒肉儻然骨立乃以貧教授河渚間旦夕哀號涕零枕席聞者為之酸感。

姜桐音歷世仕宦而無簾笥然性喜中友之急山陰徐伯調家被賊賊質其子男而要之贖徐不能姜却婦頭上粧贖之。

姜名廷梧浙江會稽人大司農一洪仲子幼給捷行文不起卓口所誦即成句論者謂其詩類何景明近為詩者莫過也婦祁氏名葭英忠敏公長女皆有文章每與姜倡和或姜遠游則必

徐名婦喜出遊所至飭厨傳爭相為歡四方請教曰益輻轉第簡傲未能委曲隨世低昂章布軒冕相形轉驕每見之詩文以寫恍惚以故人多媚之間有困者

沈向華聞人有過輒自警曰吾得毋有是亦以此訓其子弟又嘗言人多讀書則識進且能自見瑕疵故終身都無足處

沈名蘭先浙江錢塘人

王丹麓遭外艱喪葬盡禮銜恤實涕風雪中重趼遠涉徧告當世鉅公乞為志傳成帙曰幽光集士大夫讀而悲之

王名暉一字木庵浙江錢塘人好坐溪上聽松自稱松溪子見者稱為松溪主人喜讀書所交多一時賢豪長者遇同好輒談論移日或至信宿不厭其他雖相對終日卒不妄交一言匪類故多恨之平生重然諾與人期或允所請不爽時刻性不耐飲復善愁凡在六合之內或有才士塗窮佳人失所每聞其事輒為於邑甚至累日減食終身不見有喜色

孫幼闇少貧訓童子學拳拳忘勞有不率教則撻之亦自悔罵流涕朱近修嘆曰孫郎審有氣人遂相攜徧交邑之諸名士由是著名

孫名宏浙江海寧人幼孤貧奉母氏依外家張遂名張孫宏貌古質弱性落拓喜飲酒奕棋醉後叫呼胸氣益急里社高會邀之飲且弄諸名士知其好勝故因之以為樂壬午舉于鄉已就選得宣平教諭未幾卒于官

朱名一是一稱欠菴浙江海寧人壬午孝廉才以無所不為為大文以隨感而肯為工抱經綸之宏畧少不見用于時中歲輒自放廢與方外緇袖為侶徒以著述

送老當  
世惜之。

呂翼令在白下。聞父喪。踉蹌就道。衝雪兼程。遂廢眠食。比歸。一慟幾殞。勺水不入口者五日。杖而強起。書蓼莪詩。懸之座側。三復流涕。論者謂呂不廢蓼莪。正與王裒事異。而情實同。

呂名律。浙江仁和人。事父母篤孝。年已強壯。孺慕不衰。執親喪。一遵禮制。寢處苦塊。蔬食三年。親朋好會。概辭勿與。每遇忌辰。身服縗素。不御酒肉。不苟言笑。涕淚日終。

袁重其狀貌癯然。能讀書識字。好以禮義自維。不苟言笑。與四方賢士大夫交言而有信。鄉里交嘆為善人。

袁名駿。江南吳縣人。三歲而孤。母苦節。垂六十年。駭日走四方。乞當世賢士大夫詩文。以頌母。每歸。莊誦母。侵聲出金石。歲葺一卷。裝褙之。積五十餘軸。疎微君眉。公首題其幀曰。嘯哺篇。海虞錢宗伯亦為作識字行一章。其詞曰。母能識節。安兒能識孝。字人生識字。只兩箇。何用三倉四部。盈箱筭。世之人。遂無不知有袁孝子者。

包飲和授書里閭。身無私錢。比歲懷授書金。踣其父慙獻之。獨一歲踣。赧然不起。良久曰。兒於中擅取數緡矣。偵之。周甲貧也。又一歲復然。易書也。其謹如此。

包名秉德。一字即山。浙江蕭山人。著述自豪。出處不苟。皆與同。

閔象南老好觀書年七十餘每夜漏下二三十籌手不釋卷嘗自抄錄古人格言於壁以自勉訓子孫所坐卧小室人每勸撤材新之象南曰視吾不蔽風雨時何如且久與之習如故人不忍棄也

閔名世璋江南歙縣人外祖家四柏木葬出三十金一日盡葬之嘗渡江謁九華山見下河饑民蜂屯江口乃稅駕避風館買米三月賑之而去又王喜鳳被誣逮於法以十二歲女質人金如其歲營救得活女思母病欲死母曰女死吾不獨生矣象南捐十二金贖還之母女皆獲全其他懿行詳魏冰叔善德紀聞錄

今世說卷一終

清仁和王暉丹麓撰

言語

蔣虎臣與王阮亭談所謂遇鍾離意。誓效俱成丹砂。

蔣名起。江南金壇人。丁亥進士。官翰林。風流儒雅。宋既庭稱其修潔如處子。澹蕩如道人。恬退如後門寒素。

王名士禎。字貽上。山東新城人。生有異質。弱不好弄。日誦習數千言。語必驚人。舉乙未進士。官戶部。上廉其才。改授翰林。

魏環極言薄於朋友者。薄親戚之漸也。薄於鄉黨者。薄宗族之漸也。

魏名象樞。一稱庸齋。山西蔚州人。丙戌進士。官都憲。性至孝。持正清挺。以言事忤旨。左遷光祿丞。補官。即請終養。都亭帳飲。丁祠部。以詩送之。乞黃精數斗。以貽

母。里居後。不復通書朝士。或以著述寓汪鈍翁。惟用方幅。楮題姓名其上而已。其耿介如此。尋復召用。歷官尚書。

周櫟園偕馮伯宗過劔津西山。有竹數頃。丹如火齊。笑曰。乃知此君亦戲著緋。

施愚山語所親曰。我輩既知學道。自無大戾名教。但終日不見己過。便絕聖賢之路。

終日喜言人過。便傷天地之和。

施名閔。章字尚白。江南宣城人。己丑進士。官侍講。性本忠愛。義篤友朋。掃履孤遠。學有本原。力以名教為己任。嘗講學湖西。羣父老子弟。環而聽者。輒數千人。聞孝弟忠信禮讓之言。往往至於泣下。當世推論文章理學。莫不以宛陵為歸。

客指燕地蒲桃問汪鈍翁吳中何以敵此汪答曰橘柚秋黃楊梅夏紫言之已使津

液橫流何況身親剖摘

汪名琬字茗文江南長洲人讀書勵志行內自重有守又善彊記過目終身不忘舉乙未進士官戶部浮沈郎署位不副志發為著作原本經術晚築室堯峯之麓幅巾杖履與山樵野叟行歌五答當道大吏求一見不可得也嘗語人云士大夫行己不可無本末讀書不可無師承立論不可無依據會詔舉博學宏詞公卿

交薦遂考授翰林

宋荔裳王西樵曹顧菴同客湖上一夕看演邯鄲盧生事酣飲達旦曹曰吾輩百年

閒入夢出夢之境一旦縮之銀鐙檀板中可笑亦可涕也

宋名琬字玉叔山東萊陽人丁亥進士歷官廉使所至輒有能聲數遭困厄意氣自如揮毫高視不覺更有傍人王名士祿字子底山東新城人壬辰進士官司動肩宇朗秀襟懷仗爽為人望所屬撰然脂集攬樹古今閩秀文章至百六十卷又撰閩中遺事為朱鳥遜史六十

卷餘

曹名爾堪字子禰浙江嘉善人十歲能屬文十二歲善詩詞時人擬之聖童壬辰登進士第累官侍講學士淹博多識掌故又工強記所過山川阨塞無不指畫形勢士大夫一與之游積久不忘無貴賤具能識其名氏爵里家世無毫髮謬即虞世南之稱行秘書李守素之號人物志無以過之為文敏給博麗兼長眾體問試

兩稱最同館皆避服之

徐竹逸喪子客有議之者曰徐君必有隱惡故罰及其子竹逸聞之曰昔仲尼有何

隱惡而伯魚狃乎客聞而謝之

徐名喙鳳江南宜興人戊戌進士官司李少負軼才凌厲矯元恍然以古作者自命與人交諄誠懇傲動出肺腑相示

滄上校書玉烟慧甚善行酒凡飲席必來典觴且能使意之所屬曲為照顧令不苦

飲張宏軒嘗曰如玉烟者可稱傾城悅名士矣

張名錫字悅九江南華亭人乙未進士官刺史

毛大可自言生平可幸者三一行文無宋人論習二無負郭田作衣租食稅男兒三

不為繼子慈孝兩隔

王瑞虹杜門謝客不與外事好閱通鑿綱目諸書熟悉古今成敗利害嘗誨其子暉

曰丈夫處世固不當為賢士大夫所棄亦不當為庸眾人所容時嘆為名言

衛澹足云與丹麓處如澹對黃花使人幽賞

衛名貞元山西陽城人丙戌進士官御史

毛會侯自言一夕得霞舉堂諸刻如饒猿探果不能自定

毛名際可一字鶴舫負才雋異淹雅博聞胸次瀟灑虛懷善下文極工妙有刻意彈射者輒欲下拜至與友朋往還必以無所規益相贊官轍所至著聲績為羣吏冠

霞舉堂王丹麓讀書處也刻有南窗文集八卷松溪漫興十卷峽流詞三卷尺牘二卷雜著十種木卷外編二種遂生集十二卷幽光集二卷贈言兩集文津二卷

徐仲光曰吾儕如鳥中子規自是天地間愁種

徐名芳江西南城人庚辰進士

袁擇菴云名譽人之賊也安逸道之賊也聰明詩之賊也爽快文之賊也

袁名于金字令昭江南吳縣人官荊州守

王于一問杜于皇窮愁何似往日杜云往日之窮以不舉火為奇今日之窮以舉火為奇

王名猷定江西南昌人太僕止殺子也遭亂居廣陵窮愁著書力追大雅海內能文之士羣翕然推之客死西湖篇帙散失大梁周司農為輯其遺稿刻行於世書法亦道勁有晉人風度

杜名濬一稱茶村湖廣黃岡人

杜于皇刻己集才及數篇手之而笑或問何笑杜曰昔范詹事自贊其後漢書為天下奇作吾嘗笑之今吾意中之言彷彿詹事吾恐後之人又將笑吾是以先自笑也  
申鳧盟曰靜坐自無妄為讀書即是立德

申名涵光一字和孟直隸永年人父端慈公盡節後以理學訓其兩弟皆能立身揚名觀仲名涵燧隨叔名涵暉

寧都三魏或比之眉山三蘇氏魏笑謝曰人各自成其我雖兄弟至親不期相類何

事高擬以辱古人

魏氏三子皆徵君天氏子長曰祥一名際瑤字善伯是為伯子次日禧字冰叔曰禮字和公是為叔子季子三子平日以父為師兄弟相為朋友四方及鄉里之賢者三子莫不折節請受其益或講求天下古今之故或窮聖賢之理義或談論詩賦文章皆欲究得其所以然者伯子季子閱歷十二國所經恆數萬里其于世務人情多所諸識叔季二子所交奇偉縝抱之士視伯子為至多各有文集十數卷行世

涂子山守貧不務苟得所與游少當意者以是得狂名魏冰叔嘆曰人言子山狂人自不狂耳

涂名酉江西新城人好為詩古文辭有名于時為人短少胸無鱗甲性率易近人及考古義與人爭魚魯則疾聲搖頭不自止當無聊時往往高誦其得意句醉則批掌掀髯搔耳頓足隱然有不可一世之意

宋去損精八分書高雲客以為學從祖比玉宋云僕固不厭家雞然何至舍古撫今

宋名祖謙比玉名珏福建莆田人

高名兆福建侯官人淑身修行抗志懷古淮南陶季深稱其蕭然窮巷俗士曾不得至其門五父之衢亦無能尋其履綦之迹

吳介茲容山陰時念林鐵崖去住未定但覺千巖競愁萬壑爭淚

吳名晉江南江甯人

林名嗣環福建晉江人己丑進士官觀察倡議屯田為武臣所中被逮久得雪寓居湖上以著述自娛無歸志卒以客死

或問陸麗京諸賢雅負經世吳司李治姑蘇何以都不稱陸云平子事蹟不逮無損名士

吳錦雯官蘇州司李

陸麗京嘗遭危疾宛轉牀第間猶喜滑稽一夕向陳際叔曰奈何歲在龍蛇陳慰之曰正恐吳中高士陸後竟起

或問計甫草暇日何以自娛計云賦詩彈碁俱增惡業但能日誦楞嚴經兩卷便足了一生事

林鹿菴好客雖處憂勞况瘁中遇良友至則大喜嘗謂人曰友者儉歲之梁肉寒年之織纈也

林名璣字玉遠浙江錢塘人峻潔自好環堵蕭然篤學工文章時或中酒興來輒瞪目箕踞議論排突不復知有坐人

毛稚黃負才善病六載起處不離牀榻人以為憂毛自若曰病味頗亦佳第不堪為躁熱人道耳

毛名先舒一名駮字馳黃浙江仁和人澹泊甯靜不求聞達以古學振起西陵天下士翕然稱之

毛稚黃欲賣田刻集意猶未決諸虎男曰產去則免役紙貴可以操贏是有兩得無

兩失也毛笑領之

諸名巨鼎為駿男弟浙江錢塘人並有令聞時人方之機雲軾轍

許彝千嘗登語溪大橋目城中青楓歷歷嘆曰此樹不知歷幾興亡

許名先甲浙江杭州人

陸蓋思云子弟能讀書不患不佳不宜專習帖括若者雖榮終非俊物

陸名進浙江仁和人才情敏給議論風生同人讌會蓋思不與舉座為之不歡

徐敬輿嘗誤金盡裘傲為裘盡金傲座客笑之徐曰皮之不存毛將焉附非裘盡乎何意百鍊剛化為繞指柔非金傲乎客無以難

徐名敬直浙江仁和人

沈稽中父君化有怨家詣軍門誣以大逆遣吏捕時方治反獄誅殺日數十百人吏到門舉家惶懼稽中挺身出曰我即君化也訊時顏狀不變詞理條暢竟得釋君化嘆曰兒之身我生之自今日以往我之身乃兒生之

稽中名儒江南青浦人論尚書甚精有尚書說行世

政事

王阮亭為揚州法曹。地殷務劇。賓客日進。早起坐堂皇。目覽文書。口決訊報。呼暑之聲沸耳。案牘成於手中。已放衙召客。刻燭賦詩。清言霏霏不絕。坐客見而詫曰。王公真天才也。

龔芝麓拜御史大夫。抗疏每言時政得失。迨決獄日。必平反數十事。事雖奏。當有毫髮疑。必推駁至盡。至輟匕箸。展轉含毫。獲有生機。後已同事。或期期不可。必動色力爭。至再三不厭。

龔名鼎。字孝升。生時庭產紫芝。因號芝麓。江南合肥人。甲戌進士。歷官大。宗伯。天材宏肆。數千言可立就。詞藻繽紛。都不點竄。為孝陵所識賞。嘗在禁中。嘆曰。龔某真才子也。酒餘好即席限韻。擊鉢灑翰。工麗絕倫。尤好汲引善類。獎借後進。學者仰之。如山斗。

周櫟園按察入閩時。值寇警。所在城堡。常四面火起。鉦鼓聲動地。周指揮鹵楯。蘭石渠。答施設有序。手發大黃。應弦殪敵。長嘯若神人。

史立菴為少宗伯時。同官議裁孝子節婦廩。給曰。彼自分內事。何與朝廷。史曰。為子不孝。為婦不節。亦何與朝廷。必以法繩之。耶。議遂寢。

史名大成。字及超。浙江鄞縣人。乙未狀元。及第。歷官侍郎。性至孝。以母病。陳情終養。為當事所格。曰。吾豈以一官易一日之養乎。遂家居十年。例應削籍。後遇赦得免。  
姜定菴為溫州教。攝瑞安縣事。適寇至。時寇輕瑞安。用少嘗之。姜帥鎮兵之守門者。

數十人驟殺而出。賊遁後又大至。姜乃斂民家齎餼。凡百餘。丹紙泥其屑。以昏四鄉。架牌間。賊望見。詭驚以為列礮。不敢近。

姜名希轍。浙江會稽人。崇業承華。蚤馳駿譽。壬午舉孝廉。歷官京兆。為人敦朴達權。和易疑直。名業冠於一時。

林西仲出理徽州。時有府吏。尚寵稔惡。林廉得其蹟。逮至。欲杖斃之。吏呼曰。小人罪固當死。但以不能改過遷善。費恨泉下耳。遂釋之。後吏以善稱於時。及林罷去。泣於道左曰。非公之嚴。我竟以為惡生。非公之寬。我竟以為惡死。聞者咸異其言。

林名雲銘。福建閩縣人。弱冠舉于鄉。戊戌成進士。理徽九載。多異政。奉裁歸里。著作益饒。吳方漣侍御。見所注莊子。因嘆為標旨清殊。迴絕羣議。

顧且庵官侍御。彈劾不避權貴。然卒無妄言。嘗曰。言而當。足以裨國。是言之不當。雖天子不以為罪。使異日輕諫官非計。一時朝野以為得人。

顧名豹。文。字季蔚。浙江錢塘人。乙未進士。

相州許酉山作鹽官令。政尚清峻。修教令。飭廉隅。禁頑暴。民不敢犯。邑固濱海。一印驚傳海水且大上。居人洵怖反走。許下禁令。刑白馬於神。為文誚之。及祊怒潮退。舍四十里。沙磧復為平壤。

許名三禮。河南安陽人。辛丑進士。知海甯。

嵇叔子治杭州事無巨細皆委曲周詳夜以繼日不以為勞郡有好古樂道之士必折柬招之不至雖在蓬蓽親造訪焉

嵇名宗孟江南山陽人丙子孝廉美鬚髯眉間一尺居官清介張翰存吏部嘗過署中見其四壁蕭然數椽不蔽風雨案牘筆墨與泥塗相揉雜却鮓懸魚一婢交請殆有中之產所不能堪者

周釜山守栝三年行廉政清士民化之有篙工拾遺屨一麓不忍取白府以歸遺者

周名茂源字爾來江南華亭人己丑進士官比部郎比部為王李諸公舊遊當時所稱白雲樓詩即其地也周與同官宋直方施愚山時相過從飲酒賦詩為樂雖大風雪弗輟一時都下盛傳謂復見先輩風流出守栝州為治不尚威嚴栝人歌思之

胡勵齋以詞臣備兵常鎮時鎮多黠盜每擒治一人輒株連百餘家捕使按籍鉤索胡毅然爭曰鼠輩特欲緩須臾死害及無辜庸可信乎使者數至數不與復正色曰殺人媚人吾不為也何惜一官為數百人請命耶卒力白之

毛會侯宰城固多異政邑人梁樟為折尾虎所攫毛為文禱於神果獲之人謂不減

昌黎驅鱷

荆涇野令歸安內行修潔輔以精敏羨餘無所取請托無所受舉邑中數十年之儆政一舉而更張之有數掾吏乾沒為姦荆廉得實立收案致法士民戴若父母

荆名度起家進士陝西涇陽人

郭鳴上筮仕授崑山縣令。縣故劇難治。吏人且多豪猾。郭赴官未至。縣五百里。吏人十數輩迎於道。乃詐稱疾不起。自懷部牒間道行。一晝夜抵縣。守縣吏方會飲堂廡。見一老書生儀狀樸野。直上堂踞坐。皆大怒叱逐之。不肯去。視其手中所持。若文書狀。迫視之。則部給崑山知縣牒也。大驚。互相推擠。仆堂下。前迎令者怪疾久不出。伺得其故。亦馳歸。適至。共叩頭請死罪。郭笑遣之。吏愈恐。不肯起。乃諭之曰。若所為我盡知之。今為若計。欲舞文亂法。快意一時。而身陷刑戮乎。欲守公奉法。飽食煖衣。與妻子處乎。皆曰。欲飽煖守妻子耳。曰。果爾。我今貸若罪。後有犯者。殺無赦。吏皆涕泣悔悟。終郭任無犯法者。

郭名文。雄山。西介休人。年四十。以諸生貢入京師。得授是官。尋卒。吏民聚哭於庭。閩縣皆罷市。往弔。發其橐。敝衣數事而已。無子。喪不能歸。縣人共買地葬於馬鞍山。更立祠。其後歲時祀焉。葬之日。他邑來會者數萬人。吏民哭之。如其私親。

李公望為廣陵訓導。郡中知名士。必親造焉。嘗曰。昔陳仲舉遷豫章。至便問徐孺子所在。吾每想慕其風。惜廣文寒。禮不足道也。

李名公。涓。江南興化人。郡守蕭五雲喜其才。稱為昭陽博士。

董巽峯令襄陽期年政教大洽襄民甚戴之會王師征湖南先後且數萬至芻糧勿備諸大吏以為憂董獨匹馬入鄉告百姓以故百姓轉相傳告曰事且急奈何累我父母為遂大供車牛小供芻豆輒負不絕於道三日而畢軍輸以饒諸大吏驚服以為能

董名上治字智甫江南武進人丁亥進士累官水部少以理學經濟自任得伊川考亭竅卻旁瞻子史說集凡天文地利河渠兵戰諸書盡習之為人踈踈謹退不言躬行風範凜然

許彝干司訓桐鄉時值盜警城無守禦邑令惶怖許曰是可先聲奪之命邑中火炬齊發金鼓震撼盜以有備駭去邑令嘆曰公此舉雖古曳柴增炬剪楮削木何以過是

今世說卷三

清 仁和王暉丹麓撰

文學

王敬哉為禮部尚書。猶好學。寒宵擁爐篝燈。呶唔不輟。諸公子環坐聽其緒論。退而筆之。為冬夜語。兪箋記。時人見其書。以為其體製曩而賅。其用心仁以恕。其立言皆可為天下後世法。

王名崇簡。直隸宛平人。癸未進士。善自謙。下崇厲名教。獎引後學。孜孜若弗及。

王阮亭于役淮陰。泊舟秦郵湖。風雪凝沍。凄然動心。秉燭作歲暮懷人詩六十首。夜漏未半。屬草都就。詞旨清麗。閒出奇峭。語茶村杜處士語。人曰。使君才藻如許。當是天人。

程崑崙登焦山。披草搜瘞。鶴銘遺蹟。為銜波撼擊。缺蝕不完。別購善本。磨懸崖而刻之。拉阮亭同遊。相視叫絕。憑高弔古。各賦一章。紀其事。江干之人。豔稱之。

程名康莊。山西武鄉人。大司空屬。庶孫也。名德博洽。為時輩所推。蔣虎臣嘗評其文云。禍韓祖馬。兒視樊元孫。劉官鎮江通守。一時稱其廉平。

曹秋岳稱李天生長律詩云。風雅以來。僅有斯製。

曹名濬字鑒躬浙江嘉興人丁丑進士官侍郎

李名因篤一稱子德陝西富平人應薦博學宏詞考授翰林尋即辭去

方渭仁少年負氣自豪里中時有文會每當同人搦管拈題苦吟面壁方與毛會侯輒握手修篁怪石閒相與縱譚天下事或誦近所為詩歌共質閒以諧謔日向午猶不肯成一字同人來相敦迫方始振筆直書濤怒雲舒不可端倪

方名象瑛浙江遂安人性簡重天資穎異年十餘時即能操筆成詩騷短賦為鄉國魁傳祖書田少傳尤鍾愛丁未成進士益發憤讀書日與同好以文章相切磋

四方人士翕然宗之會廷試博學宏詞選入翰林

毛大可過海陵至淮上時吏部張鞠存父子嗜詩有名園中秋夜會客數十人伎樂合作鼓吹竟夕毛倚醉扣盤賦明河篇凡六百餘言及旦淮上諸家傳寫殆徧宣城施愚山還自京師見之目為才子

張名新樞江南山陽人己丑進士官吏部

宗定九稱汪舟次文理不謬搖其技字不妄舒其藻

宗名元鼎一稱梅岑江南江都人恭謹朴雅與人交終始無失學有源本旁搜子史六朝奇聞僻事罔不手鈔心識家苦貧課一二老僕耕廢田春而食析而爨著書自娛足不入州府

汪名構一稱梅齋江南休甯人性伉直意氣偉然通達治亂富於學問文章翰墨妙天下名公卿咸折節願交己未召試官翰林

吳志伊酷耽文籍綜博無遺嘗與吳錦雲會飲馬鳴九許錦雲問郵段二字何讓志

伊曰段也同本秦權古文郵許同本說文長箋錦雲嘆服

吳名任臣浙江仁和人志行端懿博學而思深兼精天官奇士之術射事多中時人比之管郭薦舉博學宏詞考授翰林

錦雲名百朋浙江杭州人少奇敏讀書五六行並下操筆為文數十言立就未嘗起草壬午舉於鄉久乃謁選兩為司李都有異政改令南和尤得民心病沒於官

百姓如喪考妣哭奠者比肩接踵紙錢騰價一聯盡空東西各建祠祀之兒童亦疊瓦礫為小屋祠吳公云

禦兒朱韞斯誤娶同姓後十年覺得欲去其婦友人曹射侯陸麗京憐其雅非同望

輕致唾井作書勸之因疏古名儒取同姓事會吳志伊後至曰王沈與王基聯姻劉

疇與劉嘏為婚世人無譏緣非同原也一時服其敏覈

曹名序浙江石門人

吳錦雲博物洽聞貫串經史嘗與徐世臣輩創為恢麗瓌瑋之文天下誦之號為西

陵體陸麗京目之曰天下經綸徐世臣天下青雲吳錦雲

徐名繼思浙江仁和人少擢茂才異等舉明經遭亂不仕隱於竺乾山中更名淨挺字儂亭天性英爽不耐憂煩嘗謂人非金石立見銷止不若逃形全真肆志方外

顧景范著方輿紀要成吳撫軍先刻其五卷行世孫宇台謂其書若長河亘天珠囊照地古今興亡天下形勢瞭如指掌真人間所未有

顧名祖禹江南無錫人沈敏有大器為人奇貧而廉介寬厚樸摯不求名於時獨耽著述凡山川險易古今用兵戰守攻取之宜興亡成敗得失之迹輯為是書約

一百二十卷論者謂九州記一統志諸書不能及也

吳名興梓字伯成浙江山陰人慷慨有才畧為無錫令政聲卓絕由閩臬至閩撫軍

孫名治一稱鑒菴浙江仁和人隱居教授為人倫所宗

周櫟園觀察維揚簿書稍暇手一編不輟即參拜大僚酬訪賓客坐輿幙中往來市肆雜沓日以十數卷自隨歸語友人輒能舉其詳曲雖甚久遠偶晰一字之疑引據證明必指其出何書載何卷以及行墨之次第簡牘當命掌記依檢應手而出不差

索黍

周櫟園少時讀書恆以夜自更初至達旦方一偃息日則游行登覽常謂人曰雲影天光皆足亂人心志作此等功業須是一隙不露乃可靜悟

錢牧齋目沈留侯藝林彙考為經籍之禁籞文章之圃田

錢名謙益字受之江南常熟人庚戌進士歷官尚書目下十行老而好學每手一編終日不倦暑月夜讀苦故輒以足置兩篋中

沈名自南。一字恆齋。江南吳江人。珪璋特達。博通今古。登壬辰進士。為山東蓬萊令。

楊以齋性樂閒適。不近囂埃。每讀莊子。輒以為能移我情。

楊名雍建。字自西。浙江海甯人。乙未進士。歷官貴州撫軍。

宋既庭謁龔芝麓於京師。一見歡甚。酒闌燈灺。相與分韻賦詩。龔才思敏捷。落筆如

飛望之若神仙中人。

宋名實穎。江南吳縣人。醇靜寡欲。動止皆有常則。才名蚤著。三十舉孝廉。以公車至京師。輒攝衣據諸貴人上坐。意氣岸然。絕無所顧讓。自名公卿。訖四方遊士。慕之者。無不日夜持謁到門。以望見顏色為幸。

曹顧菴登南宮上第。宰相愛其門地才華。亟欲致之館閣。於時安邱孟縣兩館師皆極天下之望。恆傾心下之。顧菴以文詞翔翔諸公遊士之間。每一揮毫。霞明玉映。諸翰林皆自以為不及也。

王名時敏。江南太倉人。官奉常。

王烟客插架千卷。皆丹黃勸懲。每當賓朋雜坐。舉史傳中一事。輒援據出入。穿穴雋聞。分湖葉元禮為鍾廣漢徵誅文。援筆作引。頗屬哀豔。李武曾曰。讀此如聞急風淒雨。令人益增鄰笛之悲。

葉名舒崇江南吳  
江人丙辰進士

鍾名淵明浙  
江嘉善人

李名良年浙  
江嘉興人

林西仲少嗜學每探索精思竟日不食暑月家僮具湯請浴率和衣入盆衣盡溼始

覺里人皆呼為書癡

陳椒峯讀書至夜分兩眸欲闔如綫輒用艾灼臂久之成痂每一顧益自奮不敢怠

陳名玉璠字廣明江南武進人少有大志凡天文地理兵刑禮樂河渠賦役諸大事莫不講求爛熟言之娓娓賓客輻輳應酬旁午以至彈琴投壺嬉戲之樂靡所不為偶有所觸發為詩文旬日之間動至盈尺見者避其俊才比於劉穆之云舉丁未進士官中書

吳漢槎最耽書一目數行然短於視每鼻端有墨則是日讀書必數寸矣同學以此

驗其勤惰

吳名兆鸞江南吳江人性傲岸不為同里所喜其友或規之吳大言曰安有名士而不簡貴者

王西樵目錢礎日詩高朗者譬諸星緯浩瀚者乃若江河有目共見終古如新

錢名肅潤江南無錫人學博行方嚴取予重然諾家居孝友落落有古人之節門戶傳經門下皆知名士雅好述作博綜今古柏鄉魏相國推其理學為鄒魯干城其論史諸文以為陳君舉何去非咸未逮也

紀伯紫言人生有三大事性命經濟文章柏鄉一身巖然直任之矣

紀名映鐘一稱體

史江南江甯人  
魏貞卷名喬介字石生一稱崑林  
直隸柏鄉人丙戌進士歷官太傅

嵇叔子為李太虛作閭園影賦纍纍數千言編珠貫玉地負海涵刻畫都盡李携示

趙洞門李叔則各舌橋不下

李名明廣江西南昌人壬戌進士歷官尚書  
趙名開心湖廣長沙人甲戌進士歷官尚書

徐野君嗜山水遊輒有記嘗以示呂翼令呂曰數日目力之勞省却古人多少筭與

蠟展

徐名士俊浙江杭州人少奇敏于書無所不讀發為文跌宕自喜好為樂府詩歌  
古文詞與人交如坐春風飲醇酒有問字者傾心教之有一長可錄者不惜齒牙  
獎成之故所至逢迎恐後爭禮為上賓日有課程雖老勿替讀書無論卷葉多寡  
必自首至末以覽竟為率五經歲讀一過有徐廣之風曾遇異人魯雲陽授以導  
引法年近八十蒼髯丹  
唇顏面鮮澤如嬰兒

鄒程邨語言妙天下小詞單文令人色飛神豔

邨名祇謨字訐士江南武進人戊戌進士天資穎異過目靡所遺忘上自經籍子  
史下逮藝文雜著旁及天文宗教百家之書細至古今人爵里姓氏世次年講無  
不悉記至性沈摯意氣  
真篤與人交久要不忘

鄒程邨讀書如漢主校獵不至野盡山窮囊括其雌雄不止。

憚正叔與鄒程邨同客湖上。鄒向憚誦王丹麓不去口。後憚數過玉。見其兀坐一室。

時時握管摻纂志在千古。歸與鄒言。交嘆為奇士。

憚名格一名壽平江南武進人。工詩文。通書法。畫尤絕倫。

王丹麓博學擅才藻。一時名聲滿江左。居北郭。為往來舟車之衝。四方士大夫過武林者必先造其廬。問字納交。停輒不忍去。

方潤仁嘗稱松漢子為人著述名海內而非聖之言不陳。交遊盡天下名流。未嘗向俗客一通姓字。

來元成遇未見之書。雖至典衣購之不吝。夜閱書錄。必速終卷而後快。

來名集之。浙江蕭山人。生有異質。過目成誦。庚辰成進士。給事瑣闥。謝政後。日手一編。探索討論。得則豁然。眉宇飛動。不得則憤悶累日。寢食俱廢。每有譚議。舉一事。必批根導源。窮詰流末。條條然如說家人事。如按驗官府文牘。如自訴肌膜所疴癢。如數壯貝。聽者輒為爽然。

黃太冲家多藏書。裝本厚二寸。洒墨塗乙。參互散亂。人求不得。太冲獨省記之。季弟

澤望。丹黃工綴。篇幅精整。訖一書。更一書。品第循環不輟。

太冲名宗義。一稱梨洲。浙江餘姚人。父忠端公。死奄禍。太冲上書訟寃。聲振國門。年踰六十。尚嗜學不止。每寒夜。身擁緼被。以雙足置土爐上。餘膏熒熒。執一卷危坐。暑月。則以麻帷蔽體。置小燈帷外。翻書。漏光常至丙夜。所學上本五經。旁羅百氏。俱能採精微。得其本末。

澤望名宗會善飲磁栝及樽置几右佐以鹽鼓讀書每數百行仰一栝自朝及夕顛頗黃潤薄暮陶然步阡陌吟嘯為常

高雲客少遭喪亂自江左還舊鄉補衣蔬食塊處蓬室中采搜隱逸輯為高士續傳

鑒別精嚴論者謂其才識不讓士安

高士續傳起晉至明凡得一百四十三人

興化宗子發陸懸圃以高節能文章名於江北四方士稱曰宗陸

宗名元豫持高節獨行古道虛懷善下人

陸名廷掄魏冰叔稱其文以直道自任有毅然之色與其為人相似

賈靜子負奇好大言嗜酒不拘繩墨常自許得為宰相當一年平寇三年可盡撤諸

塞上兵里人大笑以為病狂乃感憤著八陣圖數千言

賈名開宗河南商邱人自稱野鹿居士少落拓不羈慕司馬相如之為人學擊劍鼓琴嗜遠遊已讀書為文詞力學好問數十年卒軌於正天下以純儒目之

王于一自謂讀書三十年方悟慚愧二字

董文友道黃雲孫文如王謝家富貴子弟便極奢華無表馬紈袴氣又如渴虹飲水

霜隼摩天變幻天矯令人曉驚

董名以富江南武進人少負才望豪邁感慨不可一世然當其恤交遊急然諾輒復纏綿婉篤比於膠漆博覽強識著書滿家執經問難弟子恆數百人

黃名永一字艾菴江南太倉人乙未進士孝友深摯交情剴切和神善氣日坐人於春風生平無疾言遽色毀譽不經其心名滿天下而守如處子

毛季蓮舟抵小孤山逆瀾蕩楫柔不可上索漁人舴艋隨波心沈入已乃登作賦一

篇還示吳慶百吳請竟嘆曰新穎動人但覺洪濤春激胸臆

毛名遠公浙江蕭山人丁巳孝廉

吳名農祥浙江錢塘人負軼才世推莫匹

江子九郊居嘗製百籤寫古人於籤面風日晴好輒煮茶焚香隨取籤中人相與罄

彼我而評論之竟日而罷名曰雲社

江名思令浙江仁和人慷慨負志畧辛酉舉于鄉官黔陽令亂後絕意仕進徙居北墅荒野寥落孤介自高富貴人不敢輒有所遺即遺之多不受

陸儼胡自許儷語為海內少雙

陸名繁紹一字拒石浙江仁和人大行鯤庭子

安靜子讀書如浪子入烟花場中不知流蕩何所

安名致遠山東壽光人

安靜子稱櫟園詩情浮其貌意勝於法遠想長思徑致獨絕

吳介茲云讀吳楚人詩如入冰雪窖使人冷畏

楚人名嘉紀字賓  
順江南泰州人

朱若始讀史尤愛史記漢書壯歲乃專攻漢書曰太史公如神龍變化不測孟堅文  
整齊典贍故可學而至

朱名潛江  
南華亭人

錢葆勸總角即好倚聲酒肆粉牆倡家團扇每因興會輒有斜行

錢名芳標江南華  
亭人丙午孝廉

徐子能和牡丹詩得百餘首貫花結鬢香粉散落吳人傳寫為之手馥

徐名增江  
南吳縣人

包飲和讀書有常候比讀必過丙夜常授書友人宅其宅高樓當城隅販傭僦馬每  
丁夜渡江其婦睡醒聽包度紙聲并竹中鷓鴣輒曰鷓未呼包二先生尚搜書起徐徐  
後販婦聞包死出涕

徐武合喜著書苦無由得錢易楮翰常於破几上起草東麻濡煤作字

徐名汾浙江仁和人一稱管涔子一稱京山人一稱炎州學者一稱笑癡一稱髯  
徐少秉異資九歲通魯論易象十三熟六經左國十五誦文選秦漢百家書善駢

賦十八專工  
詩古文辭

方正

李映碧童時讀日記故事見漢湖陽公主坐後屏像輒舉筆抹其面師怪問對曰事  
請則移天即不諧亦移心吾實恥之

李名清一字心水江南興化人辛未進士歷官廷尉嘗列刑垣數上章論祥刑獄  
中人見疏無不感涕黏其疏語於獄街之壁時共讀之合掌誦佛以過後以風節

稱著

蔣慎齋至性過人類多密行雖齋居獨處皎然不欺

蔣名永修一字日懷江南  
宜興人丁亥進士官學使

王邁人居官強項不屈任意為其難八年不通京師一字所遷皆極邊即單車就道  
不惕利害家計蕭條幾不能朝夕亦不問也

王名庭字言遠浙江嘉興人少貧舉孝廉十四年貧日甚社門局守無  
雜營分好日事詩古文笑嘆歌詠留連不去中己丑進士累官參政

何蕤音官侍御與張祖望友善人短之曰此君遺落世事傲慢難近何曰今人不少  
便佞吾正喜其傲慢

何名元英浙江秀  
水人乙未進士

張名綱孫一名升字泰亮浙江仁和人美鬚髯長尺餘手足胸背有毫寸許夏月  
好袒腹卧大樹下視富貴若不介意性恬淡不樂交遊好詩賦古文辭喜山水深

漢遜谷不避險阻  
每得意長嘯而返

徐羽儀九歲善屬文即見知邑令益自攻苦同舍生或窺園徐正色以諫生侮之曰

童子何知徐自恨誠不足格友為之不食同舍乃慚謝

徐名一鴻江西懷玉人。生而早慧。容狀魁奇。經明行修。不枉道以達世。恆自嘆曰。吾讀書。獨不得明道為憂耳。何慕富貴。富貴能福人。亦能禍人。嘗應舉。渡鄱陽湖。風變舟覆。遇救得免。同舟半皆溺死。徐覓其屍。衣冠殮埋。又為文以祭之。乃去。

胡勵齋納言歸里居恆端坐一室左史右圖而外若聲色貨利微逐遊觀之樂去之

若逸菽粟布被無異為諸生時

勵齋聰明強記於書無所不讀讀已終身不忘既杜門謝客惟以古為歡自經史子集以及老氏浮屠天官形家醫卜字義音韻歌曲無不手自裁定勒為成書

陸麗京持己端潔嘗教授臨平沈氏有伎為主人所索就匿陸帳中陸危坐讀書就

帳外書瓜田李下四字去於披帷見之頗相欽嘆

豫章陳伯璣避亂移家與劉遠公流寓蕪江杜門窮巷雅志坐嘯不輕以言于人

引其家伯玉事為詞者陳曰吾甯愛吾琴耳因署愛琴於旅次并名其詩

陳名允衡江西建昌人。幼負俊名。才雄等輩。父立字直聲。動天下。風采凝峻。有山斗之目。

柴虎臣生平拙於逢人少營幹疎懶率素於儕偶閒好面折平議顧胸無俯仰人亦

諒之

紫名紹炳。一稱省軒。一稱翼望山人。浙江仁和人。生而奇敏。少喜文詞。馳騫聲聞。中年悔之。有意求道。以樸實恬澹為歸。天質素羸。軀短小。膚色不華。而肝膈之要。無殊於大廷屋漏。與人言。未嘗不勉以為善。動絜禮則準於賢聖。居然有閩洛之風。

翁仲謙性孤介。不與俗諧。家酷貧。值歲儉。不能餬口。終日啜水而已。鄰近或有招之食者。謝不赴也。嘗曰：耐饑易耐俗。子難惟徐介白。顧茂倫餉之。方受。後病卒。茂倫賣

古琴殮之。

翁名遜。一字研石。江南吳江人。能詩善書畫。不入格。而有高趣。介潔方正。雖貴遊至其門。弗見也。

徐名白。吳江人。朱長孺稱其巖崎。屢落格韻。在東野閻仙之間。

顧名有孝。吳江人。志氣邁往。身長七尺餘。妙擅經術。且能出入古今文章。其任事幾無所遺力。故人士皆歸之。

孫豹人應。召入都。初以老病辭不許。既將還籍。復有年老授銜之命。吏部集驗於庭。孫獨卧不往。旋受敦促。乃徐入。逡巡。主爵者望見其鬚眉皆白。引之使前。曰：君老矣。孫直對曰：未也。我年四十時即若此。且我前以老求免試。公必以為壯。今我不欲以老得官。公又以為老。何也。眾皆目笑其愚。孫固自若。

孫名枝蔚。陝西三原人。身長八尺。聲如洪鐘。龐眉廣額。以詩文名天下。

今世說卷四

清 仁和王暉丹麓撰

雅量

繆念齋初擢 廷對第一其意挹挹益下人自奉益菲薄欷然若有不足於懷者計甫草見之嘆曰念齋之志行遠矣

繆名彤字歌起江南吳縣人丁未狀元及第授官修撰

汪蛟門居百尺梧桐閣隱囊塵尾頌酒彈碁興致蕭遠飄飄欲仙

汪名懋麟字季角江南江都人丁未進士官中書舍人親孝事兄恭釋人而友之傲而能和其立心澹蕩而高明

高念東家般陽每風日晴和自跨一驢出遇嘉石濃陰即繫驢而卧見者不知其為

貴人也

高名珩字慈珮山東蒙陰人性方嚴骨清神佚氣靜情疎少年登第筮仕館閣歷任大僚屢奉簡命出入中外三十餘年所在聲名赫奕然不以富貴貧賤動其

心士大夫高之

王匡廬不恆為詩每遇林泉清曠襟抱悠然輒復有作諸子或請編錄王諭之曰吾寫懷送抱如絃之有音所懷既往則絃停音寂何庸留此枝贅為耶

王名與。歙山東新城人。

丁藥園初至靖安卜築東岡躬自飯牛與牧監同卧起暇則乘牛車行遊紫塞中手周易一卷吟誦自若

丁名澎字飛濤浙江仁和人乙未進士官法曹無事日作詩與宋觀察荔裳苑大參愚山嚴黃門顯亭輩稱燕臺七子名滿京師時上方冊立口念無嫺典禮者調入東省兼主客貢使至譯問主客為誰廉知丁持紫貂銀瓶美玉象屏從史人易其詩歸國長安縉紳以為榮蒲居五載畧無遷謫狀躬耕自樂灑然有箕山

風之

方穉官天懷坦易飲酒數斗不亂每良辰令節攜故人詣獅山劇飲懽呼曠然自放閒獨行道中諸田父相謂曰村釀新熟翁能從吾飲乎但苦無佐酒具方亟歸左提魚右持蓋行烈日中就其家酣醉達旦始罷

周櫟園雪夜坐念室中獄事正急鐵衣周羅戶外方與黃山吳冠五共為詩漏下數十刻不止嘗對卧薄板上已解衣卧忽聯句成兩人擁敗絮從口吻中溼不律露臂爭書薄板躍起短燭撲滅一笑而止

周又嘗坐獄堂下健卒猙獰立銀鑄繫繫呼暑聲如沸手拳據地顧伍伯乞紙筆作送客遊大梁詩三十三絕句投筆起對簿詩語皆驚人

吳名宗信江南休甯人

鼎革初兵戈四起人皆裹糧避山谷間徐竹逸與弟竹虛獨守敝廬晝則力田夜不廢讀儼如太平之世其避兵他處者率多受警歸竹逸語弟曰吉凶悔吝生乎動於今益信

董蒼水渡洞庭至鹿角山風大作波翻浪湧上流覆舟蔽湖而下僮僕震懼無人色董坦然危坐賦二詩投湖中竟得無恙數時輒行三百餘里見者疑有神助

董名俞一稱樗亭江南華亭人遂初少宰孫也童時喜讀古人詩畧上口即能為聲偶之言父師見而叱之乃吟咏自如不少奪庚子舉孝廉與兄進士閻石並以才名顯後坐公事推挫不得用於世卜築南村方塘小樹竹翠花深灌園鋤菜歌嘯自得雖突煙常冷意豁如也

徐羽儀讀書靈鷲山夜陟北峯望月有虎怒嘯山谷震動或勸之避徐笑曰虎雖猛獸焉能齧人人惟畏虎虎故齧之意氣自若

明末兵亂有大猾招集散亡寇浙東西素與沈康臣有卻懸賞購沈急沈毅然儒衣冠往見曰某來矣殺一書生何購為猾奇之大笑縱飲而釋

沈名胤范一稱肯齋浙江山陰人丁未進士官比部好學善讀書尤以詩聞

徐野君性坦易不與人忤每遇能文章者與言文章曉音律者與言音律善琴奕丹青諸藝者與言琴奕丹青諸藝常獨行村落山顛水涯值村翁溪叟樵牧童豎亦與

談說周旋終日無倦色。

吳錫孺間失火時夜闌延燒將入宅吳起視從容還內取朝衣冠帶整束而出光燄燭天中鞠躬四頓首火隨熄。

吳名晉刻江南宜興人壬辰進士官司李。

朱子殷瓶無宿齋歌呼笑傲不改其樂宋既庭稱為積學辨才今日之樓君卿也。

朱名翰浙江嘉善人。

王丹麓意思深遠常有以自下與人言未嘗先一語名士讌集故未嘗不在竟日冲然若不知其在座者。

吳六益負郭而居堂曰梅花書屋清溪喬木映帶前後每當橫潦載塗堦下水深至駁車馬到門罕得見吳讀書其中意泊如也。

吳名懋謙江南華亭人。

鄒程邨為晉陵甲族會有蜚語中之者一日散萬金立盡鄒四顧壁立舉酒自慰曰田園無存幸吾賓客尚在耳。

諸駿男嘗同姜真源過金山颶風大作舟直觸郭璞墓石時真源在別舟意諸必大

惶怖諸方吟嘯自若作過金山詩

諸名九鼎一名墨字鐵閣浙江錢塘人才鉅而學膽貫穿經史百家之言為人英偉倜儻有不可一世之概

姜名圖南字滙思浙江仁和人官御史

吳郡葉林屋以選詩遊四方其弟尚從行每同宿共一布被客雲居山夏月無帳窗  
外聚蚊薨薨至旦卒無一飛入室中其友朱若始過宿嘗之信乃賦能弟詩贈焉

葉名閻江南蘇州人寓居金陵工詩文好游尚字豈僧以畫名

李鄭生游學白鹿洞數年不歸獨居攻苦夜半孤燈忽見緋衣滿室不之動吟誦自如

李名夢蘭口口修湖人家貧喜讀書弱冠舉孝廉公車不第策蹇南歸務益砥礪讀書農時率一僕躬耕自給開入城禿衫椎結行於市人不知其為名孝廉也善弄能詩工書法人多求之日不暇給所見緋衣或疑濂溪晦菴諸公降鑒云

黃大宗游楚嘗月夜破浪江行為戍卒所追扣舷吟嘯神思自若

黃名之翰江南山陽人是兵部蘭巖子多才好游跌宕自喜性尚然諾篤氣誼與貧士交解衣推食無倦容

### 識鑒

丁藥園知中州貢舉闈中搜采瑋異得一卷奇之同考以波瀾簡質度其人已老請

置於乙丁曰才與膽峙豈老生所辦必年少知名終為大器榜發乃廬陽李湘北天  
馥也同考出語人曰吾以世目衡文幾失此佳士李果方弱冠名振西清以文章道  
誼服天下

李號容齋河南永城人戊戌進士歷官侍郎著  
述自豪讀書不輟好賢下士海內仰為人宗

王匡廬家居教諸子弟絕不以時義程督之詩歌古文各徇其意親串中或諷曰諸  
郎君幸早露頭角何不令銳力場屋顧為爾耶王怡然曰君勿言彼伏獵侍郎詎是  
寧馨物

周櫟園被讒詣詔獄幾死獄且成時父赤之家金陵客為之憂赤之曰吾今固甚念  
之然吾生平無一念足死吾子吾子又類我於理不死行當雪耳且義命有在吾即  
日夜憂之豈能遂脫吾子卒與客飲酒自若已而事果得雪竟如其言

赤之名文煒素行屹立人稱為如山先生周曰吾如山哉吾乃坦然者耳因以自  
號少以文自豪尤喜賓客嘗數致千金為人緩急立盡初官諸暨簿尋忤令左遷  
王府官屬會母喪過哀竟以病棄官教子成名進士於所居為背有園與向時賓  
客觴詠其中謂之秦淮釣侶又豫置一棺當風日晴好被酒入卧命諸孫羣繞呼  
之或擲梨棗出使競相奔捨  
以為笑樂更自撰為墓誌銘

邵新傳言向子平未是達人既知富不如貧貴不如賤使應知死賢於生

邵名燈江南常熟人  
壬辰進士官刑部

趙洞門為御史大夫車馬輻輳望塵者接踵於道及罷歸出國門送者纔三數人尋召還前去者復來如初時吳蘭次獨落落然不以欣戚改觀趙每目送之顧謂子友沂曰他日吾百年後終當賴此人力未幾友沂早世趙亦以痛子歿於客邸兩孫孤立蘭次哀而振之撫其幼者如子字以愛女一時咸嘆趙為知人

吳名綺江南歙縣人官湖州守為治簡靜政術散帙蕭然洛誦繩牀業几燈火青熒史人從屏戶窺之不辨其為二千石也喜與賓客遊四方名士過從無虛日卒以是罷官友沂名而性長於詩賦官中書舍人

吳漢槎少時簡傲不拘禮法在塾中見人所脫巾冠輒竊取濁之其師計青鱗大加捶楚後見吳所作膽賦乃嗟賞曰此子異時必有盛名然當不免於禍至丁酉科場事起眾謂計知言

計名名江  
南吳江人

林視公自為生藏每佳日命僕夫荷盃携一卷詩日造飲其所人過問之林笑答曰卜吾真宅愛此寂居遊雲翩翩古今無斯聞者謂有劉參軍陶彭澤之風

林名岳隆浙江鄞縣人侍御祖述子有文名兄弟四人兄名棟隆官少宰弟曰萬葉能詩工樂府

有客薦相者陳生於毛稚黃謂其術比許身毛曰貧賤吾所自有富貴本非所望天  
壽不貳修身俟之僕自相審矣政無煩此公饒舌

賞譽

宋荔裳標格意氣風流文采並足推倒一世尤海菴目為東海偉人

尤名侗字展成江南長洲人文辭超軼經術醇深弱冠名播天下所交皆人倫英傑初仕永平司李後以博學宏詞科特授翰林朝野榮之

汪鈍翁目王阮亭風姿玉舉逸藻雲飛

王阮亭和漱玉詞有郎似桐花妾似桐花鳳語長安以此遂有王桐花之目

王詞又有春水平飄綠夢裏江南綠新婦磯頭烟水綠鄒程邨嘆曰昔應子和名三紅秀才今更不當稱三綠耶

吳默巖謂讀王阮亭七題名如乘騏驥處處制以銜勒而逸氣自在

吳名國對江南全椒人戊戌進士官翰林

李坦園目毛會侯文精鍊有法度不為枝葉之詞

李名蔚直隸高陽人丙戌進士官大學士德器淵粹退食後手不釋卷詩文為海內所宗

盧西甯少有異秉斷乳後不食他物晝夜飲酒三五升一吸輒盡家人謂之酒仙

盧名琦字景韓浙江仁和人生三歲未嘗聞啼聲迨五歲能語遂與凡同就外傳讀書往往不肯識其凡東方甫曙每同兒未起輒先至塾中復所肄書年十三應

省試人多有物色之者。中丁未進士。歷官侍講學士。

孫作庭稱唐濟武詩刻鍊之工。山顰水笑。

孫名光祀。山東濟南人。乙未進士。歷官侍郎。

唐名夢齊。山東淄川人。生時父夢神人授以傅說。故命是名。少負異姿。比長。卓有匡濟之畧。己丑成進士。官翰林。言論風采。雄眎一世。舉朝咸以公輔目之。

張禹木守會稽。言論直。顧且菴目為暑月懷冰。凜凜有霜氣。

張名三。異湖廣漢陽人。己丑進士。為政多奇績。有古良吏之風。

周櫟園稱金冶玉。抗厲希古。不可一世。

金名鼎。江南鎮江人。治制舉業。不屑屑進取。好為古文辭。人有購之者。面授之。如宿構。性不妄交。其在白門。惟周櫟園。吳容香。盛此公相往來。他客值之。睜目直視。卒不交一語。強與語。輒遺詬厲。世以此怪之。

許有介稱周櫟園。秋月澹面。春風扇人。

許名友。福建侯官人。

儲同人稱周立五。其德足以敦天下之鄙。其學足以正天下之謬。其文章足以起天

下之衰。

儲名欣。江南宜興人。

周名啟雋。江南宜興人。弱冠時，纈未高，兩頤逼而禿。面有槁色。鄉人竊笑者曰：此黃冠相耳。周聞之，若弗聞也。年三十二，猶因童子試，偕其父荆南。旅宿南城，外倉橋側，夢中見一雉冠絳衣人，右手操刀，左手提一人頭，鬚髯如戟，至榻前，易頭去。以手所提頭，函其頸，周大驚，持父足疾呼，及舉手摩之，頭如故。凜凜者累日，未幾，漸高，兩頤骨漸豐，鬚髮巖然，日益長。越年餘，又夢一白鬚老者，冠纈冠，執長尾，隨一金甲人，語曰：吾來易而腹，語訖，金甲人抽所佩刀，啟周腹，出滌其臟腑而復納之。既納，以方竹笠覆腹上，復取釘椎釘四角。周夢中聞響聲丁丁，而怪其無痛也。釘畢，白鬚老者揮塵拂而祝曰：清虛似鏡，原本無塵，忽釘與笠，豁然有聲，周寤，自是文學日進。歷試兩闈，皆獲售，歷官侍講學士。

朱長孺見徐電發，嘆其天才駿發。語顧茂倫曰：此今之郭功甫也。世有王荊公定當激賞其才，邀致為上客耳。

朱名鶴齡，江南吳江人。貫穿六籍，折衷百氏，著書滿家。羣推學海。

徐名欽，江南吳江人。英姿玉立，個懷有大志，好古博學，通經濟，弱冠才名蔚起，操筆數千言，倚待立就，應薦博學宏詞，考授翰林。

毛可大稱顧茂倫人倫之雅鑒，品目之善裁。

毛稚黃道吾家大可，生負異才，挺然埃壘之表。其顧視鄉之人，猶鷓鴣之繫而就雞羣也。

朱近修稱丁藥園風義高舉，雄眎藝林，天為加絢，地為加藻。

張祖望目陳其年，其行敦篤而立誠，其材瀟灑而精英，其氣盤礴而淑靈。

陳名雖處江南宜興人美髯髯氣冲而威神時以和才情志意如江河之浩浩其可砥礪己未召試官翰林

王丹麓稱張祖望賦虛枏以上張衡以下潘岳郭璞之儔

吳錦雲稱蕭尺木亮節高致博雅之宗

蕭名雲從江南蕪湖人

吳錦雲目朱人遠渥注龍種丹穴鳳雛

朱名爾邁浙江海甯人

梁仲木至武林一見孫宇台便披衿契謂人曰若孫子者所謂雲中白鶴邴根矩劉士光之儔也

梁名以枏直隸宛平人任俠仗義博覽洽聞與弟以樟並有高名江淮人士皆宗之

有人問孫宇台曰朱朗詣仗氣絕俗揮斥一切何以不罹禍患曰朗詣不矯矯立崖異故能居磨涅之中而無淄磷之損蟬蛻塵垢非凡識所及

朱名士稚浙江山陰人金鹿相國之孫為人慷慨不負然諾貫穿掌故有良史之才

西陵諸名士風雅都長虎臣稚黃去矜尤精韻學虎臣作古韻通去矜作江東詞韻稚黃作南曲正韻麗京嘆曰恨孫恂周德清曾無先覺

陸麗京度曲四劇薄遊武塘錢仲芳大集賓客即令吳伶演唱新聲豔發絲竹轉清  
四座之間魂搖意深

宗定九稱張子升丰度標舉展齒皆韻

張名紳一字國南江南江都人流寓白門以畫名于  
時性澹簡有塵外趣客過訪茶瓜間進輒流連竟日

龔半千稱屈翁山龍章鳳姿輝映南海

龔名賢一稱紫  
大江南江甯人

屈名大均廣  
東南海人

諸駿男幼有文藻警敏不凡其舅祖嘗賞之曰子居馬市故自龍駒

諸駿男道我家阿虎洵是虎癡

諸駿男云王丹麓精鑒朗識如冰壺映物無不澄澈

王丹麓為陸蓋思妹婿兩人刻意耽述作時人為之語曰王丹麓寤寐千秋陸蓋思

神明萬古

徐武令云讀丹麓片言隻字如嗽梅膳可以香口

李杲堂嘗言說經無雙名擅八龍昔有慈明今見充宗

李名鄴。洞。浙江鄞縣人。風骨不凡。年十二三。能詩。即有秀句。父桐。官儀部。及殉難。喪從省至。故齊一哭。遂絕。意人世穿窬。草石充宗。姓萬。名斯。大。浙江鄞縣人。

世目許九日。天才雋拔。風格雄峭。

許名旭。江南太倉人。

孫介夫稱嚴修人。其澹如菊。其溫如玉。其靜如止水。其虛下如谷。

孫名金。礪。浙江慈谿人。

嚴名允。肇。浙江歸安人。七歲受經。十歲能文。十一游庠序。十五六。百家諸子。淹貫畧盡。二十三舉孝廉。二十四成進士。既生長華胄。又早得名。好學不倦。著述益工。官邑令。

吳門之有永叔兄弟。猶建安之有二丁。平原之有二陸。時人號稱雙珠。

永叔。姓衛。名泳。一稱懶仙。江南蘇州人。落落穆穆。端介自守。羣推篤行之士。

宋去損云。方叔歸述雪舫盛事。如自旃檀林來。舉體皆香。

方叔。周姓。嬰名。福建莆田人。

許彝。干少便歧嶷。總角風氣更進。嘗詣從祖原孝。原孝索冠見之。左右曰。孫見祖何復著此原孝。曰。此子是許氏南來之秀。

張岵思美才稱尚馬圖求比之參軍謝寶逸少王珍

張名新村馬名駿並江南山陽人同舉己酉孝廉

鍾百里稱陳蝶菴才酒俱壯殊足念

鍾名震陽江南宣城人

陳名周政字子龍四川營山人

陳吳興嘗言浙東之有吳賜如猶西華有青柯坪黃河有碣石蜀江有濫瀕堆也蓋有削夷為阻之功真文苑之禦侮

吳名之器浙江義烏人壬午孝廉